

Պ Ա Տ Ճ Է Ն

Տ. Կ.

Շրջաբերական կոնդակ բոլոր քեմական Առաջնորդներին (քեմական սեսուչների մասին)։

Մ Կ Ր Տ Ի Չ Ժ Ա Ռ Ա Յ Յ Ի Ս ՈՒ Ս Ի Ք Ր Ի Ս Տ Ո Ս Ի Ե Ի Ա Ն Հ Ա Ս Ա Ն Ե Լ Ի Կ Ա Մ Օ Ք Ն Ա Ս Տ ՈՒ Ժ Ո Յ Ե Պ Ի Ս Կ Ո Պ Ո Ս Ա Պ Ե Տ Ե Ի Կ Ա Թ ՈՒ Ղ Ի Կ Ո Ս Ա Մ Ե Ն Ա Յ Ն Հ Ա Յ Ո Յ Ժ Ա Յ Ր Ա Գ Ո Յ Ն Պ Ա Տ Ր Ի Ա Ր Ք Հ Ա Յ Ա Զ Գ Ա Կ Ա Ն Ն Ա Խ Ա Մ Ե Ժ Ա Ր Ա Թ ՈՒ Ո Յ Ա Ր Ա Ր Ա Տ Ե Ա Ն Ա Ռ Ա Ք Ե Լ Ա Կ Ա Ն Մ Ա Յ Ր Ե Կ Ե Ղ Ե Յ Ի Ո Յ Ս Ր Ք Ո Յ Կ Ա Թ ՈՒ Ղ Ի Կ Ի Է Զ Մ Ի Ա Մ Ն Ի ։

Նախ քան զգումարումն Բ. Կեդրոնական ժողովոյ որպէս զի ծխական դպրոցը մեր ոչ մնասցին ի խնամա կամայականութեան և անձնական հաճոյից, իբրև զժամանակաւոր կարգադրութիւն, պատուիրեմք հոգաբարձութեանդ, որպէս զընտրեալս ի ժողովրդականաց համայն թեմի, ի կատար ածել զհետեւեալս մինչ ց20-ն յունվարի 1907 ամի։

Ա. Տամբ իրաւունս հոգաբարձութեանդ ընդ նախադահութեամբ առաջնորդի ընտրել թեմական (շրջանային) տեսուչս յանձանց բարձրագոյն կրթութեամբ ի հոգեւորականաց և թէ յաշխարհականաց։

Բ. Թողումք ի կամս հոգաբարձութեանդ պարզաբանել, թէ քանի տեսուչս պարտին լինել ի թեմին, մի՞ թէ առաւել։

Գ. Ամենայն ծխական դպրոցը և ուսուցիչք լիցին ընդ հսկողութեամբ թեմական տեսչաց ըստ սահմանին

որ որոշէ ուսուցչական համագումարն, այն է՝ զի նոցա լինին իրաւունք շրջելոյ ի դպրոցս, հսկելոյ ի վերայ գործունէութեան և պաշտօնէից, ներկայ լինելոյ դասուց, նստից հոգաբարձական մանկավարժական և խառն ժողովոց առանց ձայնի իրաւանց, ի ժողով հրաւիրելոյ զհոգաբարձուս և զուսուցիչս, պահանջելոյ զկարեւոր բացատրութիւնս ի նոցանէ, յորդորելոյ բանալ դպրոցս, տալ տեղեկագիրս ուսումնարանաց ուսումնական խորհրդոյն, իսկ զանտեսականէն հոգաբարձութեանց թեմական դպրոցին:

Դ. Զընտրեալ թեմական տեսուչս ընդ արձանագրութեամբ հոգաբարձական ժողովոյն առաջի առնել մեզ ի հաստատութիւն:

Ե. Զնիւթական ապահովումն թեմական տեսչաց յանձնեմք ամբողջութեամբ ի կարգադրութիւն հոգաբարձական ժողովոյն, զորպիսին ունի հոգալ ի միջի այլոց և յարդեանց դպրոցաց և եկեղեցեաց:

Զ. Թեմական տեսուչք ենթարկին ուսումնական խորհրդոյն էջմիածնի, ընդ որում մտանեն ի յարաբերութիւնս վասն ամենատեսակ ուսումնարանական գործոց:

Է. Զանուանս ընտրեալ ուսուցչաց և աւագ ուսուցչաց թեմական տեսուչք առաքեն հաստատութիւն առաջնորդաց և տան տեղեկութիւնս ուսումնական խորհրդոյն:

Ը. Ուսումնական խորհուրդն, որ յէջմիածին՝ կազմի յերից անձանց՝ ի միոյ նախագահէ և յերկուց անդամոց. զնախագահն կարգեմք Մեք, չգմին անդամոց ընտրէ ուսուցչական ժողով ճեմարանի Մ. Աթոռոյս, և զմիւս անդամն ընտրէ թեմական հոգաբարձութիւն ներսիսեան դպրոցի ի խառն ժողովի, որ կազմեսցի ըստ հրաւիրման թեմ. առաջնորդի յուսուցչաց նոյն դպրանոցին և յաւագ ուսուցչաց ամենայն ծխական դպրոցաց Տփլիս քաղաքի, Յետ հաստատման անդամոց ուսումնական խորհրդոյն՝ նոքա ժողովեսցին յէջմիածին և սկսանիցին զգործառնութիւն իւրեանց: Սահմանք պարտուց նոցա

պարտին լինել ըստ որոշմանց ուսուցչական համագումարի, այն է վերահսկողութիւն ամենայն դպրոցաց, վախճանական քննութիւն ամենայն գործոց դպրոցաց և պաշտօնէից. մշակումն նախագծից դպրոցական կանոնադրութեան և բարեփոխութեան ծրագրի, պատրաստումն ընդհանուր տեղեկագրի ի վերայ հիման տեղեկագրոց թեմական տեսչաց, ընտրութիւն դասագրոց և նպաստումն հրատարակութեան նոցին, զհետ լինել պատրաստելոյ զուսուցիչս ի մանկավարժական գիտելիս, կազմումն և կառավարելն դպրոցական ֆոնդի, գումարումն ուսուցչական ժողովոյ առ նուազն միանգամ յընթացս չորից ամաց։

Թ. Յկազմումն Ուսումնական խորհրդոյն ամենայն գրագրութիւնք զուսումնարանաց ունին գումարել ի Դիւան Մեր.

Ժ. Քանդի չիք թեմական դպրանոց ի թեմին Շամախոյ, ուստի և յանձն առնելք առաջնորդի Շամախոյ ընդ իւրով կամ նախագահութեամբ գործակալին Բագուայ տալ վճռել զվերոյիշեալ Թ. յօդուածս կոնդակիս մասնակցութեամբ Խառն ժողովոյն կազմելոյն յուսուցչաց և ի հոգևորականաց երկսեռ դպրոցաց Բագու քաղաքի։

27 դեկտ. 1906 ամի

Ի Ս. Էջմիածին

Թ. 1738—43



ՄԿՐՏԻՉ ԾԱՌԱՅ ՅԻՍՈՒՍԻ ՔՐԻՍՏՈՍԻ

Գերաշնորհ Տէր Դէորդ Արքեպիսկոպոսի նախանգամի Սինօդի և Տեղապահի մերոյ հարազատի Մայր Աթոռոյս Հայրապետական օրհնութեամբ յայտ առնեմք:

Վասն տալոյ մի օրինակ ընթացս գործոց Դիւանատան Մերոյ և Սինօդի Ս. Էջմիածնի, այսու կոնդակաւ Մերով պատուեմք Գերաշնորհութեան Չերում գամ մի յիւրաքանչիւր եօթնեկի՝ յաւուրս հինգշաբաթի, ի միասին ընդ միւս անդամս Սինօդի յաճախել ի Դիւանատուն Մեր ի խորհրդածութիւն ընդ Դիւանապետի յաղագս կարևոր խնդրոց և գործոց. իսկ ի դէպս արտաքոյ կարգի և անյետաձգելի խնդրոց ունիմ հրաւիրել ի ձեռն Չերդ Սրբաղնութեան զնոսա ի ժողով և յայլ աւուրս շաբաթու:

18 դեկտ. 1906 ամի

ի Ս. Էջմիածնի

թ. 1647

— ԸՊՁ ՅԿՅ —

ՄԿՐՏԻՉ ԾԱՌԱՅ ՅԻՍՈՒՍԻ ՔՐԻՍՏՈՍԻ

Սինօդի Սրբոյ Էջմիածնի.

Ի նկատ առեալ մեր զանձուկ վիճակ Մայր Աթոռոյս, զպարտիս հաստատութեանց նորա ց30,000 ռուբլիս նաև զհատուցանելիս նպաստամատոյց Յանձնաժողովոյն զ20,000 ռուբլիս, հարկ անհրաժեշտ համարիմք առնել զհետեւեալ կարևոր փոփոխութիւնս.

Ա. Բառնալ զսեղանատուն, զփուռն, զմառանատուն, զխոհանոցն ի 16-էն յունվարի, արձակելով ի նոյն ժամանակէ զամենայն ծառայս, որք են ի դոյն հաստատութիւնս տալով նոցա յամսոյ յամիս զռոճիկս յունուար, փետրուար և մարտ ամսոյ: Մեն մի միաբանի ի փոխարէն սննդեան տալ ի սկզբան իւրաքանչիւր ամսոյ սննդադրամ՝ զքսանական ռուբլիս և յայնմ՝ հետէ ճեմարանն ընկալցի ալիւր, զոր ունի պատրաստել ի փռատուն վանուցս միջոցովք իւրովք հաց ի պէտս աշակերտաց. Աշակերտք, որք բնակին ի հիւրատան Մայր Աթոռոյս, ունին ստանալ ճաշ ի սեղանոյ ճեմարանի մինչ ցմին մայիսի յառաջիկայ 1907 ամի: Վանական Կառավարութիւն ստուգելով զցուցակս «թային» ստացողաց և որք կարօտ են հացի և կերակրոյ, տայ նոցա դրամական նպաստ:

Բ. Զագարակն բարեկարգել այսպէս. թողուլ զ12 ձիս վասն կառաց, սայլի և հեծանելոյ. վասն գութանի 8 գոմէշս և 4 եզինս և երիս կաթնատու կովս վասն Վեհարանի մի միայն, իսկ զմնացեալ անասունս ի վաճառ հանել ի մարտ ամսուջ: Ունել զ3 ծառայս և զ3 կառապանս:

Գ. Վասն ճեմարանի սահմանեմք՝ սկսեալ ի 1907 ամէ ունել որդեգիրս մի միայն 100 թարց որդեգիր—թօշակաւորաց, որք խնամին նպաստիւք բարերարաց, իսկ մնացեալ աշակերտք լիցին երթեկէք: Կարգ և ձև ընդունելութեան երթեկեկաց և որդեգրաց թողումք ի վերայ մանկավարժական ժողովոյն ճեմարանի, որ պարտի տալ ի տնօրինութիւն Մեր զտեղեկագիր մինչ ց1-ն ապրիլի առաջիկայ ամի:

Դ. Տալ զտպարանն կապալաւ տյլում՝ ցանկացողի և պատուիրել Մխիթար վարդապետի որոնել կապալառու և ի ձեռն Սինօդիդ կռել պայմանս ընդ նմա: Յետ տուչութեան տպարանին ի վարձու զգրեանս գտեալս անդ մանրամասն ցուցակաւ յանձնել միում ի միաբանից պահել յապահով տեղուջ վասն ի վաճառ հանելոյ ցանկացողաց:

Ե. Պատուիրել Վանական Կառավարութեան նախ՝ զկնի փակման սեղանոյ և պարագայիցն ի վաճառ հանել զպատրաստի նիւթեղէնս ի վերայ միաբանից, իսկ ի դէպս ոչ ցանկալոյ նոցա ի վերայ այլ ցանկացողաց, երկրորդ՝ կաղմել մանրամասն ցուցակս ամենատեսակ անօթոյ, գործեաց, կահ կարասեաց սեղանատան, փռատան և մանաւանդ և պահել անկորուստ ընդ հսկողութեամբ Վանական Կառավարութեան: Իսկ վասն շտեմարանին անօրինել զարժանն:

Զ. Հիւրոց ի հիւրատան տալ մի միայն ինքնաեռ, սենեակ և ծառայ. պատուիրել հիւրընկալին առաջի առնել ց-5 յունուարի մանրամասն ցուցակ կահկարասեաց, սպիտակեղինաց և անկողնոյ ի հայեցողութիւն Սինօգի:

Է. Վասն սննդեան Վեհաբանի վարիլ ըստ վերոյիշելոյն. այն է կարճել զտուչութիւն նիւթեղինաց և տալ սննդադրամ՝ ըստ վերոյգրեալ չափու առանձին հաշուեմատենիւ, որ ստուգեսցի յամսոյ յամիս ի Սինօգի ընդ այլ մատեանս վանական հաստատութեանց:

Ը. Վասն սննդեան Տաճարի ծառայողաց վարիլ ըստ վերոյիշելոյն, տալով մատեան առանձին Տաճարին, յոր մտցի հաշիւ մօմավաճառութեան, գանձանակի, նուիրադրամոց թանգարանի և սննդադրամոց, որպիսի մատեան ստուգեսցի ի Սինօգին ընդ այլ մատեանս յամսոյ յամիս:

Ի 27 դեկտեմբերի 1906 ամի

և ըստ տոմարիս ԹՅԾԶ

Ի Հայրապետութեան մերում ԺԴ. ամի

յԱյրարատեան Մայր Աթոռ Ս. Էջմիածնի

Ի վաղարչապատ

Թ. 1734.